

**Broj: 04-45-490/23**  
**Hrasnica, 07.04.2023. godina**

Na osnovu člana 32. Statuta Javnog preduzeća za obavljanje komunalnih i drugih djelatnosti od javnog interesa Općine Ilidža "Ilidža" d.o.o. ("Sl. novine Kantona Sarajevo", br. 26/2022), a u vezi sa članom 17. Uredbe o postupku prijema u radni odnos u javnom sektoru na teritoriji Kantona Sarajevo ("Sl. novine Kantona Sarajevo", br. 19/2021 i 10/2022) i Zapisnikom Komisije za raspisivanje i provođenje javnog oglasa za popunu radnih mjesta broj: 05-45-475/23 od 06.04.2023. godine, Direktor JP "Ilidža" d.o.o. donosi:

### **O D L U K U**

**o poništenju dijela Javnog oglasa za prijem radnika u radni odnos broj: 04-45-404/23 od 20.03.2023. godine**

#### **Član 1.**

Ovom Odlukom poništava se dio Javnog oglasa za prijem radnika u radni odnos broj: 04-45-404/23 od 20.03.2023. godine, objavljen dana 21.03.2023. godine u dnevnom listu "Oslobođenje", te putem web stranice JU "Služba za zapošljavanje Kantona Sarajevo" i web stranice preduzeća.

#### **Član 2.**

Poništenje se odnosi na sljedeće raspisane pozicije:

1. **Službenik za javne nabavke** – 1 izvršilac na neodređeno vrijeme uz obavezni probni rad od 6 mjeseci
2. **Dipl. ing. građevinarstva** – 1 izvršilac na neodređeno vrijeme uz obavezni probni rad od 6 mjeseci

U ostalom dijelu Javni oglas ostaje nepromijenjen.

#### **Član 3.**

Naprijed navedeni dio Javnog oglasa za prijem radnika u radni odnos poništava se zbog nemogućnosti popunjavanja navedenih radnih mjesta.

#### **Član 4.**

Ova odluka objaviti će se na web stranici preduzeća i web stranici JU "Služba za zapošljavanje Kantona Sarajevo" najkasnije u roku od 3 dana od dana donošenja.

#### **Član 5.**

Ova Odluka stupa na snagu danom donošenja.

### **O b r a z l o ž e n j e**

Dana 21.03.2023. godine objavljen je Javni oglas za prijem radnika u radni odnos broj: 04-45-404/23 za popunu radnih mjesta:

1. SLUŽBENIK ZA JAVNE NABAVKE – 1 izvršilac
2. DIPL. ING. GRAĐEVINARSTVA – 1 izvršilac
3. ASFALTER – 1 izvršilac
4. RADNIK NA ODRŽAVANJU CESTA – 1 izvršilac
5. POMOĆNI RADNIK NA ODRŽAVANJU CESTA – 1 izvršilac
6. OPHODAR – 1 izvršilac
7. FASADER – 2 izvršioca
8. MOLER – 2 izvršioca
9. TESAR – 2 izvršioca
10. RADNIK U GRAĐEVINSKOM SEKTORU – 1 izvršilac
11. ZIDAR/BETONIRAC – 1 izvršilac

Odlukom o formiranju Komisije za provođenje Javnog konkursa i načinu izbora kandidata za prijem radnika u radni odnos u JP "Ilidža" d.o.o. broj: 04-45-220-1/23 od 16.02.2023. godine imenovana je komisija za popunu radnih mjesta za pozicije 1. i 2. za koje se zahtjeva VSS kao nivo stručne spreme, dok je za ostale pozicije za koje se zahtjeva SSS nivo stručne spreme imenovana odvojena komisija, u skladu sa Uredbom o postupku prijema u radni odnos u javnom sektoru na teritoriji Kantona Sarajevo.

Nakon što je Komisija dana 06.04.2023. godine uz nadzor supervizora Ureda za borbu protiv korupcije i upravljanja kvalitetom KS izvršila otvaranje pristiglih prijava, utvrđeno je da za poziciju br. 1. nije bilo pristiglih prijava, dok za poziciju br. 2. prijavljeni kandidat ne ispunjava uslove iz Javnog oglasa.

Odredbom člana 17. Uredbe o postupku prijema u radni odnos u javnom sektoru na teritoriji Kantona Sarajevo je propisano da je poslodavac obavezan da akt o poništenu javnog oglasa u roku od 3 dana od dana donošenja istog objavi na svojoj web stranici i web stranici JU "Služba za zapošljavanje KS" i isti će ostati objavljen najkraće 15 dana.

Na osnovu svega iznesenog i nemogućnosti popunjavanja navedenih pozicija, poništava se navedeni dio konkursa i donosi odluka kao u dispozitivu.

**Dostaviti:**

- 1x JU "Služba za zapošljavanje KS"
- 1x Oglasna ploča/web stranica preduzeća
- 1x Ured za borbu protiv korupcije i upravljanje kvalitetom
- 1x a/a

JP "Ilidža" d.o.o.  
Jasmin Viteškić, Direktor

